

Cuorta memoria della fiasta della Romania 1951

Objekttyp: **Group**

Zeitschrift: **Igl Ischi : organ della Romania (Societat de Students Romontschs)**

Band (Jahr): **38 (1952)**

PDF erstellt am: **29.06.2024**

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

Cuorta memoria della fiasta della Romania 1951

Il 2 de settember 1951 ha la radunonza generala della Romania e sia fiasta populara giu liug a S e d r u n. Quei ei se gir era daventau per undrar la biala Val Tujetsch e ses cars habitonts ch' ein aunc adina tschien per tschien romontschs, romontschs entochen la crusta. Fussen tut las vischnauncas sur-silvanas aunc aschi compact romontschas sco Tujetsch, lu stess ei bein e negin che stuess panzar co far e tgei interpernder per mantener quei che nus havein artau da nos vegls: nies lungatg, nossa cultura, nies far e demanar e tut quei che forme-scha il spert e la ventira d' in pievel.

Senza surfar ni demonstrar de quei che po buca star, han ils Tuatschins sezs mussau al grond cumin romontsch tgei ch' els ein e tgei ch' els han el senn de restar: Romontschs e Gri-schuns senza faulsadad e senza bahaultscha, purs de veglia pasta, pertscharts de lur biala tradiziun, cuntents de lur sort e ventireivels de lur esser.

Quei ha oravontut il til, quellas tipicas scenas métas e tuttina aschi plidontas de veta culturala tuatschina mussau; quella processiuon aschi reala de lur situaziun spirtala e folcloristica ded ier, ded oz e de damaun. In pievel che careza tut quei ch' el ha ed astga mussar cun aschi naturala e beinfundada luschezia, ei aunc ditg buca madirs de daventar la preda d' a-schinumnai «problems moderns» sco ins vul far esser oz l' entira tiara romontscha! Quei ha il til de Tgamaura a Mira demonstrau cun tutta certezia.

Buca per nuot ha il plaid de beinvegni dil president communal, sgr. Placi J a c o m e t, tunau aschi cauld e perschua-dent! Tut quei ch' el ha detg ei stau ver e real e vegniu priu a pèz, cunzun dals Tuatschins.

Il giug festiv «L' alp strienada», secrets dal plevon della Val, rev. Sur G. D u r s c h e i, cun composiziun da rev. Sur

Gieri A r p a g a u s, Rabijs, ha empleniu ils cors cun gronda legria per tut il bi e bien de nossa veta e tradiziun alpestra. A quei grond success ha era il lungatg elevau e poetic de quella stupenta ovretta gidau.

Il plaid festiv, ina cuorta revista historica-culturala della veta tuatschina, ha oravon tut legrau ils Tuatschins, ils tgaus grischs ed ils tgaus alvs. — Forza perschuadenta han era ils plaids de nies president partent, sgr. cuss. gov. dr. Aug. C a h a n n e s, giu; buca meins ils plaids dil pres. niev, sgr. Toni H a l t e r e d' auters plirs oraturs occasionals.

Cheu astgein nus buca emblidar quel ch'ei staus davos noda, sgr. scolast Theophil S c h m i d, che ha arranschau la biala fiasta populara, che ha mussau de sunar e cantar e giu essenzials merets per il cumplein success de quella en tuts graus. Ad el il pli sincer e cordial engraziament davart la Romania.

La critica della fiasta ella «Vusch dils Mats» ch'ei suandada pli tard, ei buca stada giustificada en tuts graus. Ina u l' altra reproscha po denton star. Aschia havein nusez remarcau ch'ina part della giuventetgna ha bandunau la piazza festiva (era students!) aschigleiti ch' il plaid festiv ha entschiet. Ei secapescha de sesez ch'ins sa buca cumandar e pretender interess da tuts per l' historia e la cultura de nossas valladas, mo da l' altra vart eis ei pauc engrazieivel per quel che ha sedau breigia de studegiar quellas caussas aschi da rudien sco pusseivel e che, vulend porscher cun plascher quei ch'el ha recaltgau cun perseveronza, sto veser che gest quels als quals talas verdads fagessen bein, bandunan la piazza In grond confiart per el ein denton quels veritabels Tuatschins stai che han tedlau cun bucca e nas e che han silsunter aunc saviu completar ed amplificar sias expectoraziuns cun bia bialas e legrevlas reminiscenzas de lur giuvens onns sco era ord la veta de lur perdavonts. —

Sco ins auda dueigien las futuras fiastas della Romania vegnir organisadas autramein che tochen dacheu. Fuss quei b u c il cass, duessen ins silmeins prender il plaid festiv a v o n la representaziun festiva. Igl ei numnadamein quelluisa ch' in

program surcargau po buca retener igl entir pievel silla piazza de fiasta entochen la fin. Teater mira nosa glied adina bugen, era sche quel vegn buca prius sil program denter ils emprems numbers. En quei cass spitgass il pievel — ed igl oratur festiv havess lu buc il sentiment de haver fatg sia lavur mo per ina mesadad dils presents che han aunc capientscha per talas e semegliontas caussas.

La radunonza generala della Romania (de fatschentas) ha buca giu de tractar caussas extraordinarias. — Per motivs de gronda lavur, ha nies valent president dils dus davos onns, sgr. dr. Aug. C a h a n n e s, remess siu uffeci. En siu stagl ei sgr. scolast Toni H a l t e r vegnius tscharnius per president della Romania popularisada. La suprastonza della Romania secompona naven dils 2 de sett. 1951 sco suonda:

Toni Halter, scolast, Vella, parsura,
prof. dr. R. Vieli, Cuera, vice,
dr. phil. Alex. Decurtins, Trun (niev),
Gion Caminada, stud. theol., Vrin,
(representant della secziun studentica),
Toni Berther, cand. iur., Camischolas, pres. della secziun studentica.

Dapli ein ils redactors de Tschespet ed Ischi vegni confirmai per treis ulteriurs onns.

La secziun studentica della Romania ha elegiu la suandonta suprastonza:

Toni Berther, cand. iur., Camischolas, president,
Hendri Dietrich, stud. ped., Andiastr, vice,
Gion Martin Pelican, stud. theol., Vrin, actuar.

Il liug della proxima fiasta populara della Romania (1953) vegn probabel ad esser L a g s.

(Pli bia e detagliau davart la fiasta e radunonza gen. della Romania, mira Gasetta Romontscha, nr. 36, 1951; La Casa Paterna, nr. 36, 1951; Bündner Tagblatt, nr. 214, 1951.) Gm Ga